

حضرتلری - رجعت دکل - ارساللری اوتاندر ارجق بر شجاعتله دشمن اوزرینه یورودیلر ، و :

« انا النبی لا کذب . انا ابن عبدالمطلب »

« بن ، اللهک حق پیغمبری یم . شان جلیل رسالتیم بالاندن منزله و مبرادر . سز - ای اعدای دین حق ! - بیلیرسیکیز ، که بن سید سادات قریش عبدالمطلبک طورونی یم . « الآن قدحمی الوطیس ! » ایشته اصل شمدی آتش حرب آلولدی . قهرمانلق فصل اولورمش شمدی کورورسیکیز ! » بویوردیلر .

عم محترم نبوی حضرت عباس بن عبدالمطلب « رضی الله عنهما » فرار ایدن جیش اصحابی وظیفه باشنه دعوت ایتک امرینی آلدی . یوکسک سسله :

— ای اللهک مؤمن قوللری ! ای شجره رضوان آلتنده رسول الله بیعت ایدن قهرمانلر ! دونکیز ؛ غزا میداننه جنتک شهادت قاپولری اوگنه کلیکیز . اللهک رسول ذیشان سزی وظیفه باشنه دعوت ایدیور ! ..

دی به چاغیردی . بوسرهده قلبلری سکینت الهیه ایله قابارمغه ، قوه معنویه ایله تاره حیات آلمغه باشلایان اصحاب کزین درت طرفدن :

— لیک !.. لیک !..

ندای اجابتله افقلری صارصاراق ، قولقلری چینلاتاراق قوشدیلر کلیدیلر . صفلرینی یکیدن ترتیب ایتدیلر . اوچینده نزول ایدن ملائکه کرامده اوکلرنده صفلر باغلادیلر . فقط اولر بوجنود غیبیه کوره میورلردی . حرب ، یکیدن باشلادی . اسلامک ، دین حقک غلبه و مظفریت تامهسی ، اعدای قرآنک محو واضمحلالله ختام بولدی . الحمدلله علی نصرته لدینه و لرسوله .

بو آیات جلیلله نک سبب ورودی خاص اولقله برابر حکم منیفی حامدر . صحابه نرینی بدر و خیر کبی موطن کثیرده منصور ایدن جنب خیرالنصرین بزیده طرابلس غرب ، بنغازی ، درنه کبی غزا میدانلرنده - بر آوج اولدیغمز حالده - خوارق اعجاز نصرتیه بویوک بردشمنه قارشى منصور و مظفر بویوردی . شمدی ایسه بونسیم ظفرک وزانی تأخر ایدیور . حنین ساحه حربی تنظیم ایدیور . چونکه زده مشارالهم حضراتی کبی چوقلغمزه ، حماسه و شجاعت فطریه منزله مغرور اولدق . اعدامزى کوچک و ضعیف کوره رک استحقار ایتدک . اوچنجه خطوه صولتمزده قلبکاهلرینه کیره جکمزى پک بالا پروازانه برلسن عظمت و جبروت ایله سولمکدن چکینمک . خلاصه : غایت و مظفرتی اللهدن دکل ، چوقلغمزدن ، کندی قوت و قدرتمزدن ایستدک . کستاخلغمز غیره اللهه دوقوندى . « وما النصر الا من عندالله العزيز الحکیم » سرى تجلیساز اولدی .

الله ، بویوریور که : « ان ینصرکم الله فلا غالب لکم وان یخذلکم

فمن ذی الذی ینصرکم من بعده و علی الله فلیتوکل المؤمنون = اکر الله سزه یاردم ایدرسه سزه غالب کله ییله جک هیچ بر قوه بولوناماز . یوق اکر سزی مخذول ، مغلوب ایدرسه اوندن صوکر ا سزه کیم نصرت ایده بیلیر ؟ مؤمنلر - بوتون قوای مادیه و وسائط لازمه حربیه بی اعداد و احضار ایتدیکدن صوکر انحق الله توکل ایدرلر ، یاردیمی ، مظفرتی اللهدن ایستلر . » بویوریور .

« و علی الله فلیتوکل المؤمنون » جمله انتهایه سنک مطلق اولدیغمه دلیل ، واعدوا لهم ما استطعتم من قوه و من رباط الحیل ترهبون به عدو الله و عدوکم و آخرین من دوزم لاتعلمونهم الله یعلمهم = ای مؤمنلر ! استطاعت و طاقتکیزک یتدیکی درجهده سریعاً و عاجلاً قوه اعداد و احضار ایدیکیز ؛ بالخاصه حیوان تربیه سنه ، بنیجیلکه کمال اعتنا و اهمیتله چالیشکیز . بوقوتک ، بنم و سزک دشمنلریکیزی ترهیب و تنکیل ایده جک درجه کماله اولمنی امر ایدیورم . دشمنه تعرض و تجاوز ایده بیله جک درجهده اعداد قوته مقتدر ایکن بونک حال تدافعیده براقلمنی قویاً نهی و تحریم ایدیورم . هم . بوقوه یالکیز اعدای حالکیز ایچین اولیه جق . اعدای استقبالکیزی ده نظر دقته آلیکیز ! اولرک بوکونکی دوستقلرینه باقورده آلدایمکیز ! سز اولری بیلیمزسیکیز . فقط الله اولری بیلیر . تمجیل ایدیکیز ! فرصتی دشمنه قایدیرمیکیز ! « آیت جلیله سیدر .

ایشته کورولور که : توکل بوتون اسباب مادیه و معنویه ته توسلدن ، ایجاب ایدن (قوه) ی - تون معناسیله اعداد و احضاردن صوکرادر . یوقسه قورو توکل دکل . اولیه معناسز توکلی قبولدن ، اولیه سنه یاردیمدن ، حمایه دن شان الوهیت منزله و متعالیدر .

بز - مؤمنلر - بو آیت جلیلله نک حکم عاجلی انفاذ ایتدیکی ؟ فقط شمدی بونی تنقید ایده جک زمان دکلدر . او وقتیه کرکدی . ال اله و یرره رک اتحاد ایدوب اوزریمزه صالدرمش اولان درت دشمن قارشیسندمیز . بوکون خلافت محمدیه نک حیات و محمات آراسنده بولندیغنی ، درت یوز ملیونلق عالم اسلامک قبله کاه ایمانی اولان او مقدس مقام توحیدک تزلزل ایتمکده اولدیغنی دوشونه جک آنده نز . قلبنده ذره قدر جوهر ایمان طاشیان هر مؤمن ناموس خلافت ، حیات اسلامیت نامنه فدای جانه مجبور در . والا دعواى ایمان قورو برسوزدن عبارتدر . دوشونه لم ! همده باشمزی اللریمز آراسنه آلوب دوشونه لم . هلاله ، یعنی توحید الهیه ، قرآن کریمه قارشى تثلیث نامنه اعلان حرب ایدن دشمنلریمیزک غایه املی نه در ؟ آیا صوفیه جامع شریفنی کلیسایه تحویل و قبسه سنه صلیب اعظمی طاقق ... !

بو مدهن مقصد در ، که دشمن قرآنی بوتون کین و غیظیه ، بوتون شوق صلیب پرستانه سیله اوزریمزه جانوارلر کبی صالدرمغه تحریص ایدیور . بناء علیه سریر خلافت محمدیه نک سقوط ایتک ، سنجاغ رسول اللهک دشمن آیاغی آلتنده چیکنه نوب پارچه لایمق تهلکه سنده بولندیغنی تقدیر ایدم .

روم، یکپاره بر انسان قلمه سی وجوده کتیرم. حقوقزی بتون غیرتیه مدافعه به جالیشان حکومت مزه جانلر مزله، بتون ماللر مزله ظهیر اوله لم. غیرم سلم وطنداشلمزک واجنبی مسافرلر مزک تمامی حقوقه رعایتدهده قصور ایتیه لم. یا ناموس خلاقی قورتاره لم، یا خودکه ثوله لم ده مقام اقدس خلافتک فلاکت سقوطنی کورمیه لم.

ای زنکین مسلمانلر! او توتلریکنزی قاریلریکنزه، قیزلریکنزه، کلینلریکنزه برابر دشمنه پیشکش ویرمک ایچین صافلامیورسیکنزدکی؟ او یله ایسه نه طوتیورسیکنز؟ نه دوریورسیکنز؟ دهانه بکلورسیکنز؟ نه اومیورسیکنز؟ بونلری میدان حمیه دوکوگز! حکومتک قونی، زنکینلرک ثرونی، ملتک حمیتی، اردوسنک شجاعت وسطوتیدر. الله «ومن یخل فانما یخل عن نفسه» خسیسلاک ایدن کنندی نفسنه قارش خسیسلاک ایتیش اولور. «بویوریور. نهوت» بوکون دینک، وطنک سلامتندن تروتی اسپر کین کنندی توت حیاتندن اسپر که مش اولور. یارین، دشمن کلوبده زنجیر اسارتی بوینته طاقینجه او تروتی کوزی توتنه. تماماً ایرده برپاره سنی یله کندینه ویرمز. او حالده بو توتلرک، بو خزینهلرک سزجه نه فائده سی وار؟ بونلر بوکون سزه دوستلق ایده مز به بونک حراسی اولاراق یارین دشمنلق ایده جکنی شمدیدن تقدیر ایدیکنز! «آق آق» قارا کون ایچین در، مثل حکیمانه نی دوشونکر!

بوکون مرکس حالنه کوره نقداً و بدنا دینه، قرآنه، وطنه، حکومته یاردیم ایتیمکه مکلفدر. نه دوریورز؟

ای اردوی اسلام! خلافت محمدیه نک ناموسی، حیات حاکمیت وسلطنتی سزک نفکریکنزه، سزک سونکولریکنزه، سزک طویلریکنزه، سزک قوه ایمانکنزه استناد ایدیور. روح رسول الله سزک فوق ایزده حرکتکنزی خطوه خطوه تفتیش ایدیور. بوتون عالم اسلامک یاشلر آقیتان کوزلری سزه منعطف! صوک امیدلری سزک حضور کزده دیز چوکش. «الله عشقنه! الله عشقنه! ایلری! ایلری!» دی به یا وار یور! ای اردوی اسلام! دوشونکنز! دشمن تلولم دکلدرد. دشمن اجل دکلدرد. اصل تلولم دشمندن فرارده، مملکتی دشمنه تسلیمدهده. دشمنده جادر. اوندهده جان قورقوسی وار. اگر سز حیاتی اجدادکنز کی استحقاق، موتی دهده لریکنز کی استحقاق ایدرک دشمنکنزه ارساللر کی هجوم ایدر، «الله اکبر! الله اکبر!» زمزمه ولوله دار یله صالدریر سه کز، شه سزدرکه، اوقاچار، وطنمزدن چیقار؛ سز اونک طوبراغنی چیکز، باشنی ازرسکر! کوسکنز افتخار مظفریتله قابایر! آلکنز آسمان شرفه یوکسلیر. الله سزدن ممنون اولور. رسول الله سزدن محظوظ قالیر.

باقیکز! شو حدیث شریفی دفته اوقوییکز! صوکراده وجدانکنز. دن یوکسله جک صدای ارشادی دیکلریکنز! «لولا ان اشق علی امتی لما قعدت خلف سرية ولوددت انی اقتل فی سبیل الله ثم احیا ثم اقتل، ثم احیا ثم اقتل» = اتمه آغیر کلسه، بکا بسلیدیکلری محبت ایمانی اغلا تمسه بن هیچ بروقت صف حریک کیروسنده بولونمقی ایسته مم. ایسترم که صف حریک ایلروسنه آتیلوب فی سبیل الله شهید اولایم، صوکراینه دیر یلیم

یا روم ایلیده بیکرجه جامعلریمزک طرافقه هدم و تخریبنه، کلیسایه، غازیویه، تیاترویه، اوپرایه تحویلنه نصل تحمل ایده جکز؟ یا بش التي مليون مسلمانك قتل عامنه نصل راضی اولاجنز؟ بقية السيوفك چیریل چپلاق هول جان ایله فرارلرینی نصل صوغوق قانلیقله سیر ایده جکز؟ بو بدبختلر زمه قاچه جق؟ هانکی طوبراغنه التجا ایده جک؟ روم ایلی الدن کیتدکن، مقام جلیل خلافته صلیلی باندر ا رکز اولوندقن صوکر ا عجباً آناتولی الیزده بر اقیله جقمی؟ روم ایلیده کی عوامل ومؤثرات فساد آناتولیده یوقی؟

صاقین! صاقین! روم ایلی دن قوغولاجق قدر احتقار ایدن، آلچالان بر ملت آناتولیده دکل، حتی سوریه ده، حتی حرمین محترمین ده بیله یاشامق حقنه مالک اولاماز. اگر اوحق حیاته مالک ایسه ایسته روم ایلی! بوکون جامعلری دشمن سواریلرینه آخور، قدمخانه اولقمده، عرض و ناموس اسلام آل قانلره بولانقمده، حامل قادیلرک قارنلری یاریلهرق بیکنه جنینلری چیزمه لر آلتنده از یلکده اولان بدبخت روم ایلی! زوالی وطن اسلام!..

اگر حق حیاته مالک ایسه یا بوا اسلام ملکنی اهل صلیب اردو. لریک نیجه وحشتندن قور مارالم. یا هجمز بومقدس مقصد او غورینه تا صوک نفریمزه و ر وطن اسلامک ایاغی اوچنده جان و یروب کفن یرینه آل قانلریمز ایچنده فجیع، فظ شانی بر غروب لوحه سی وجوده کتیره لم. یا خود که بو دیادن باشقه بر عالمه، باشقا بر کره یه هجرته حاضر لانا لم! فقط هیات!...

یازیق عالم اسلامیه! یازیق «مسلمانم الحمد لله» دیوبده سلطنت محمدیه ک جان آلوب جان ویرمکه. ولدینی بویه بردقیقه هول انکیزدن قانی آتشنمیه، قلبی صیرلامیان، کوزلری ایصلا نمایان بولولره! ای آناتولی اهالی! اسلامیه سی! ای اجدادلری ویانه قابولرینه قادار دایانان، بوتون اوروپا دولتلرینی قلیجلرینه بویون ایکدیرن مسلمانلر! روم ایلی الدن کیدیور! روم ایلی شهید اولور! روم ایلی کفنسز چپلاق مصلا طاشنه قونیور. نمازینی قیله جق آنجق اجداد قاتحانک ارواح مبارکه سیدر. ارتق حاکمیت قرآن عالم اسلامه بوتون بوتون وداع ایدرک سدریه چیقیور، اللهنه کیدیور.

ای عربلر! ای آناتولیده، روم ایلی ده ملیونلرجه مؤمنلرک هادیلری اولان قهرمان عربلر، حرمین محترمین بوکون ماتملر ایچنده، ارواح مقدسه انیا روضه مطهره یی تمزیه ایدیور. کعبه معظمه نک سطح معلاسی، صلیلی باندرارکنزی اندیشه سیله تیزم یور، عالم اسلامی یاردیمه دعوت ایدیور. ایسته بوکون جبریل فوق اسلامده «ان تنصروا الله ینصرکم ویثبت اقدامکم» آیت جلیله سنی کریمه تأثر دوکدرک اوقیور. دولت عثمانیه اسلامیه نک - لاقدر الله! - منقرض اولسی فلاکتی نه دیمکدر؟ حجاز خاک پا کنک، حرمین شریفینک ده اسارتی، اسارت ابدیه سی دیمکدر. قوشو کز! الله و رسول الله یاردیمه، دین اوغرنده، قرآن اوغرنده همزال اله و یروب دشمن قارشینه کیده لم. تاجتالجه دن سیدر خلافته قدر بتون اووالری، طاغلری، دره لری طولدو.

ینه شهید اولایم؛ ینه دیر یله یم ینه شهید اولایم. «ایشته شهادتک قدر بالایی
تری! قوجه بر پیامبر اعظمی بیله کندیسنه تابور تبه مفتون و صالی ایدیور.
بو درت کونلک حیاتک نهایتی تلولوم دکلی؟

هایدی ای جیش اسلام! سزده حنین غازیلری تنظیر ایدیکنر!
اونلره عتاب ایدن قرآن سزده عتاب ایدیور. الله عشقنه! الله
عشقنه! بو مذلت اوکونده بر دکل، بیک جان اولسه ینه طاشیناز.
اوتوز مایون مسلمانی دشمنه اسیر براقه جق قادارده می جسمز یوق؟
حاشا! حاشا! او یله ایسه ایلری! الله ایچون، رسول الله ایچون، قرآن
ایچون، اسلام ایچون، وطن ایچون ایلری! دشمن الله اسیر قالان یوز
بیکله جه قادیلری یوز بیکلرجه معصوملری قور تارمق، خلافت جلاله یی،
آناطولی یی، عربستانی، حجازی، روضه مطهره یی، کعبه معظمه یی اهل
صلیب استیلا سندن محافظه ایتک، عنده الله و عنده رسول الله دنیا و آخرتده
ملعون اولماق ایچین ایلری! ایلری! الله معینمزدن ایلری!

فخر الدین

[دینک، وطن خلافتک محافظه سنی آرزو ایدن بتون اسلام مطبوعاتک
بومقاله یی نقل ایتلری رجا اولنیور.]

سلیمانیه کرسیسندن

ملت مرحومه یه خط با

رفقید ارفرمباندلر شیمی ارفوسوره:

برده استانبوله کلدیم که: چارشی، بازار
نعره دن چالقانیور! او یله یا.. حریت وار!
غلین کلدیمی، منطق صاووشورمش.. طوغری:
واردی عقلتدن اوکون هر کیمی کورد مسه زوری.
کیمسه فرقنده دکل، آکلاشیلان، یادینک،
قفالر توتسولو خلیا ایل، کوزلر قیزغین.
صانکه زنجیرده کیلر هپ بوشانوب زنجیردن،
بیقورمشده تیمارخانه یی چیقمش بردن!
زورنار شهرک اهاالسنی طاقش پشنه؛
یدی سندن طوته رق تادایانک یتشنه!
الی بایراقلی آلایلر یورو یور درت کچلی؛
اک آغیر باشلی سنیک بر زیلی اکسیک، بللی!
اوتیور هر طاشک اوستنده برر دیللی دودوک؛
دیکلیور قاپلامش اطرافنی یوزلرجه هودوک!
کیم نه سویلرسه، همان ال اوروب آلفیشلان جق؛
— یاشاسین!

— کیم یاشاسین؟

— عمری اولان.

— شاق! شاق! شاق!

نه دواترده حکومت، نه اهاالیده برایش؛
نه صنایع، نه معارف، نه آلیش وار، نه ویریش.
چاملی بل صانکه شهر: ضابطه یوق، رابطه یوق؛
آقسه قان سیل کبی بر دیندیره جک واسطه یوق.

«ذوق حریتی اونلر دها جوق آکلالمالی»

دییه، مکتبیلرک مکتبی تمکیل قابالی!

عالمی تضییق ایله تعالم، اوده بر استبداد..

هایدی او یله ایسه چوجقلر، ابدی آزاد!

نطقه کلش اوتورسون خواجهلر بریاندن..

صحنه دن صحنه یه قوشمقده بوتون شاگردان،

کور چییان لشتک آلتنده نصل باطلارسه،

هپ آغیزلر ده شیلوب، کیمده نه جوهر وارسه،

صاحبیور اورتیه، ایسترتیمز، ایستر کیرلی،

قالیور کیمسه جکک مضمیری آرتق کیزلی؛

دالقاووق دوری دکل، اسکی قصائد یرینه،

ادباکز آنا عورت سوکیور بر یرینه!

دورلو آدلرله چیقان نامتناهی غزته،

آریلق تخمنی بول بول آتیور مملکته.

ایت یتشیدیرمک ایچون طوبراغی غایت منبت

بوله رق، اکیور صالمه کزن بر سورو ایت!

یورو یور دینه بش اون مسخره، آلفیشلانیور؛

نسل حاضر بونی حریت وجدان صانیور!

قادین، ارکک قوشیور بورج ایدرک آورو پایه..

بیله یم آسیا سزک شیققلر ایچون پکمی صابا؛

حقه تفویض ایله اوچ دانه یتشمش قیزنی؛

«آنالق علمنی اوکرتکمک ایچون» بالذیزی

طاشیدانلر بیله وار پارسه یوکسونمیه رک..

ایش بویوک، اجری ده نسبتله عظیم اولسه کرک!

شبه سز بیقیدی اوخیلاری مشهوداتم...

بن فقط کندیمی برمدت ایچون آلداتم:

غلیاندر، غلیان کلدیمی قالماز منطق.

صوبولانمازسه دورولماز. هله صبر ایت آزیحق..

ای اما، نه قدر بکله مش اولسه ک، ایشلر

اسکی سندن دها بر باد، ایشلمک نه کزر!

وطنک طاقنی یوقدر اوقدر اهااله:

دولو دیزکین کیدیور باقسه ک آضمحللاه!

ای جماعت، اویانیک، الویرر آرتق اویقو!

یوقیدر سزده وطن نامه هیچ بردوینو؛

دوشمه دن پنجه خذلانه استقبالک،

بیلیکنز قدرنی حریتک، استقلالک.

سویله دوب باشقه ممالکده کی محکومینی..